

那文毅公奏議

刑文毅公總統河南山東直隸軍務奏議卷三十四目錄

卷三十四

推薦文武

附料彈

那文毅公總統河南山東直隸軍務奏議卷三十四

男  
容安恭輯

推薦文武 附科彈

嘉慶十八年十一月二十一日

奏爲遵

旨查明覆奏事竊 臣 前奉

上諭據高杞奏河南蘭陽縣童泰初將難民二千餘人渡至南岸因其奏稱黃河南岸亦有勾連蠢動之機恐奸匪潛往勾結不得不嚴辦示懲特降旨將該員革職枷號現在南岸並無蠢動看來童泰初所渡或實係難

民現在黃河渡口稽查盤詰不能不嚴然沿河文武若  
因童泰初獲罪凡老弱難民一概不加撫卹全令破賊  
戕害殊覺於心不忍甚或迫而從賊所關猶鉅著那彥  
成查明黃河以南現無勾結蠢動情事卽將童泰初先  
行開枷飭令在河干幫同防守稽查如能認真出力再  
行奏聞加恩開復欽此仰見

皇上於明罰勅法之中仍寓宥罪施仁之意臣遵卽劄飭

河南藩臬兩司確切查明具結稟覆茲據該司台  
斐音諸以謙稟稱查得蘭陽縣所管村莊大半俱  
在黃河北岸前據童泰初稟報九月二十三日賊

竄蘭陽之五里集難民逃奔河灘羣在淤泥淺水之中哀號求救童泰初放船救渡自辰至申督同兵役細加盤詰互相認識者始准濟渡等語由兩司疊次覆查所渡難民均註有村莊住址姓名細冊賊退之後又經童泰初飭傳親族尋領回家通計難民二千三十二名又毗連之考城縣難民二十二名住址確鑿是童泰初當日所渡實係被難民人並無奸細在內該縣地方現在靖謐等情加具印結稟覆前來臣查奸宄固應查拏難民亦宜撫卹童泰初於奉文飭將北岸船隻撤歸南岸之

後擅行放船濟渡大屬冒昧今既查明所渡實係  
難民當日曾細加盤詰有冊可稽並無奸匪混跡  
嗣後難民均已回家現在地方尙屬安靜童泰初  
所辦尙無不合自應欽遵

恩旨將已草蘭陽縣知縣童泰初卽日先行開枷仍飭令  
在河干一帶幫同委員嚴密查防可否准其開復  
之處出自

聖恩謹繕摺覆

奏再黃河南岸

臣

仍嚴飭地方文武加謹巡防不致稍

有疎懈謹

奏

嘉慶十八年十一月二十三日奉

上諭那彥成奏已革知縣懇請開復一招蘭陽縣知縣童  
泰初前據高杞叅奏濟渡難民中恐有賊匪潛往勾結  
將該員革職枷號茲據那彥成查明所渡實係難民當  
日均詳加盤詰有住址姓名細冊可稽並無奸匪混跡  
現在地方安靜該員所辦並無不合童泰初前已開枷  
著加恩開復原官留於河南遇有知縣缺出卽行補用  
嘉慶十八年十月二十五日

奏竊查河南河北鎮色克通阿年老多病帶兵不能得

力臣等公同商酌令其卽回懷慶彈壓地方其河北鎮總兵事務查有候補總兵徐錕前經臣那彥成

奏請補授山東兗州鎮總兵尙未奉有

諭旨現在帶兵一時不得其人相應請

旨卽令徐錕署理河北鎮總兵印務可否卽以徐錕補授  
抑另行簡員補放之處伏候

聖裁謹

奏

嘉慶十八年十月二十五日



奏原任陝西西安鎮總兵楊芳因丁憂服滿自原藉貴州起復赴京行抵豫省情願留於軍營効力謹奏

謹按嘉慶十八年十月二十八日廷寄內奉

上諭那彥成奏請以徐銀補授河北鎮總兵一節徐銀昨已補授正定鎮總兵所有河北鎮總兵一缺已有旨將馮芳補授矣

嘉慶十八年十月三十日

奏爲直豫兩省士民堵禦出力恭摺奏

聞事竊照此次賊匪滋事以來人人共憤各州縣士民莫

不義切同仇各自團練壯勇互相扞禦遇有賊踪  
竄及隨處堵剿殺獲甚多並有紳士人等捐輸錢  
米守禦城垣養贍窮民等情由該地方官陸續稟  
報前來臣伏思該士民等守望相助固屬桑梓情  
殷而於平原曠野之區官兵布置勢難周密賊氛  
肆擾之際到處得資堵截實足以正人心而助兵  
威該士民等洵屬有勇知方深堪嘉尚除先行批  
飭分別獎賞並諄諄曉諭毋得妄殺無辜以安良  
善臣覆加查核內殺賊不及百名無庸開單外謹  
將殺賊過百名者繕具清單恭呈

御覽仍俟軍務告竣再行確查始終出力之人另行

奏請

恩施及造冊咨部謹

奏

謹將直隸兩省各州縣稟報紳士義勇堵擊賊匪情形開具清單恭呈

御覽

據東明縣稟報九月二十五月初二初三初八初九等日賊匪竄至趙家集沙窩武邱集荆台集等處經義勇梁芳武生李長春等率領鄉勇堵擊先

後殺賊三百餘名生擒宋中張改等十八名奪獲  
布旗器械無數

又據東明縣稟報該縣被賊滋擾紳士范孝謙高義  
等捐資僱夫修補城垣並各輸錢米養贍窮民共  
相守禦城賴以安

據長垣縣稟報十月十五日丁樂集賊匪肆行焚掠  
經范相集武生成晚蘭生員韓宗元等帶領鄉勇  
奮力攻擊殺賊匪于方平等五百餘名生擒賊匪  
三名奪獲器械無數

據大名副將佛雲稟報十月十三十八等日把總職

銜王成棟廩生呂原諱率同義勇許恒敬等攻擊  
張卜寨黃村等處賊匪殺死二百七十餘名生擒  
程射斗等五名奪獲器械無數義勇張成穿王相  
廷張奉先被賊鎗斃

謹按嘉慶十八年十一月初三日廷奇內奉

上諭那彥成另摺奏直豫兩省堵禦出力士民名單該士  
民義切同仇各自團練鄉勇並捐輸錢米守衛城垣勦  
殺賊匪多名具屬急公尚義可嘉奏到清單交軍機處  
存記俟軍務全竣時那彥成再將出力之人分別保奏  
候旨施恩

嘉慶十八年十月三十日

奏爲滑縣地方亟需幹員料理恭摺奏懇

聖恩事竊照河南滑縣被賊滋事猝致失守現尙懸缺無人一切地方公事急需幹員經理因查有大挑試用知縣孟吧瞻係山東人前曾委署滑縣印務早經卸事聞甚得民心人亦勇往此次賊匪滋擾經衛輝府知府郎錦騏委令該員團勇緝拏所有該縣被難書役居民人等皆逃赴孟吧瞻處隨同在牛市屯一帶團練防堵該處係衛輝西南要路一面通太行一面通省屢被賊踪竄及孟吧瞻率領

丁勇堵剿先後殺賊二千餘名甚爲出力現當大  
兵進剿一面正須安輯良民不日地方肅清一應  
撫綏善後事宜均須得人經理查滑縣印信業經  
搜獲存貯衛輝府庫將來收復縣城總須委員任  
事孟卨瞻既係熟手能得民心辦事亦屬勇幹合  
無仰懇

皇上天恩卽將滑縣知縣印信發給孟卨瞻令其署理飭  
將一應公事先爲料理庶現在書役義勇居民人  
等均有歸屬善後事宜亦可早得妥爲辦理實有  
裨益臣爲地方起見與河南撫臣方受疇往返札

商意見相同謹

奏

嘉慶十八年十一月初三日奉

上諭那彥成等奏滑縣地方亟須幹員經理一摺滑縣被賊滋擾大兵進剿卽日收復一應安輯撫綏事宜均須得人經理試用知縣孟岷瞻前署該縣能得民心此次剿捕賊匪勇幹出力所有滑縣知縣一缺卽以孟岷瞻補授其部選之員著發往河南交與方受疇遇有簡缺知縣卽行奏補

謹按嘉慶十八年十一月初四日奏內



奏連次打仗官員兵勇實屬奮勇出力臣謹擇其殺賊受傷而有功者先儘兵丁同官弁遵

旨秉公保舉伏乞

皇上施恩謹

奏奉

硃批卽有恩旨

嘉慶十八年十一月初六日奉

上諭那彥成奏遵旨將攻克道口及連次打仗出力官弁兵丁等開單呈覽懇請施恩鼓勵等語此次攻克道口官兵等飛越溝濠攻勦竟日將賊巢掃除淨盡又連獲

勝仗實屬奮勇可嘉著加恩將乾清門頭等侍衛額勒  
精額賞給健勇巴圖魯名號頭等侍衛哈朗阿賞給繼  
勇巴圖魯名號仍著在乾清門行走遊擊齊慎著賞給  
健勇巴圖魯名號照例各賞銀一百兩二等侍衛阿勒  
罕保札蘭保陞授頭等侍衛阿勒罕保著在乾清門行  
走三等侍衛蘇倫保陞授二等侍衛空花翎霍隆武賞  
給藍翎侍衛仍帶空花翎護軍營前鋒校蘇清阿遊擊  
祁祥守備蔣光奎千總張作功吳琨俱著遇有應陞缺  
出先行陞用並著先換頂戴遊擊馬光宇賞戴花翎都  
司劉印景守備寶德俞振海千總段永福俱著賞換花

翎火器營護軍三音布吉格德里武常清常勝保健銳  
營前鋒校海明阿西朗阿明福驍騎校西林保遊擊楊  
印花都司劉夢龍陳天壽守備劉鳳翥雲騎尉署守備  
陳善干總候補守備鄧殿魁干總劉攀桂楊立振把總  
劉鳳翮蕭貴張化鵬馬全升外委李伏殿向榮額外外  
委游貴張寧西安滿營前鋒興安保海平和楞額馬甲  
奇車布陝西馬兵祝廷元蕭捷陞劉天華陳誥俱著賞  
戴藍翎原任都司胡超准其開復原官該部知道摺單  
併發

嘉慶十八年十一月初四日

奏爲軍營打仗出力人員仰懇

聖恩分別陞補各缺以示鼓勵事竊照軍營遇有員缺自應擇其隨營打仗奮勇出力人員儘先拔補茲准固原提督楊遇春咨稱陝西漢中鎮略陽營遊擊楊連仲陣亡遺缺查有陝安鎮屬紫陽營都司周貴堪以陞補所遺都司一缺查有漢中鎮屬瓦石坪守備趙啓貴堪以陞補所遺守備一缺查有固原提屬西鳳陽千總唐俸堪以陞補等情轉請具奏前來臣覆查周貴趙啓貴唐俸等三員均係節次打仗在前敵殺賊多名實屬奮勇出力合無仰懇

聖主天恩俯准分別陞補並請先行

賞換頂戴以示鼓勵謹

奏

嘉慶十八年十一月初六日奉

上諭那彥成奏請將軍營打仗出力人員分別陞補一摺  
著照所請陝西略陽營遊擊員缺著周貴陞補所遺紫  
陽營都司員缺著趙啓貴陞補瓦石坪守備員缺著唐  
俸陞補俱著先換頂戴

嘉慶十八年十一月初八日

奏各路領兵大員現在會同遵

旨保奏外查楊遇春久歷行間打仗勇往久在

聖明明鑒之中至高杞極知感激

聖恩督兵打仗均在前敵不避艱險二人均係受

恩深重固屬分所當為均毋庸臣保奏今既奉

旨飭查臣不敢壅於上

聞謹

奏

嘉慶十八年十一月初八日

奏欽奉

恩旨各路領兵大員著秉公查明擇其實在出力者奏明

賞給議敘其餘將領弁員開列清單將應行陞擢及賞戴翎枝者分別保奏降旨施恩但必須超眾奮勇如飛越溝濠不避矢石者方准列入無得冒濫欽此查侍衛額勒精額哈朗阿二員已經臣等保奏其餘則先儘微末兵丁同官弁分別開單奏請陞擢及

賞戴翎枝在案今奉

硃 恩旨令將各路領兵大員據實保奏茲查帶領馬隊格布舍富僧德慶祥帶領步隊特依順保馬元及副將張大振均在前敵認真出力請

旨施恩臣未敢擅便又總兵楊芳一員現係三品頂戴可

否

賞換二品頂戴之處出自

皇上天恩所有奉

旨查明帶兵出力大員謹

奏

嘉慶十八年十一月奉

上諭前次官兵攻克道口賊巢各路帶兵大員奮勇出力當經降旨令那彥成秉公保奏茲據查明覆奏格布舍富僧德慶祥特依順保馬元及副將張大振均著加恩交部議敘其三品頂戴總兵楊芳著加恩賞還二品頂



戴以示獎勵

嘉慶十八年十一月初八日

奏為滑縣義民助官剿賊實屬奮勇出力恭摺奏懇

聖恩量加獎勵事竊查官兵剿賊以來有豫省候補知縣

孟吧瞻團練義民在滑縣之牛市屯一帶勦官堵

勦節次殲擒賊匪二千餘人經臣奏明並會同撫

臣方受疇以孟吧瞻請署滑縣知縣專摺具

奏在案查官兵攻克道口之日該義民等續經隨軍打

仗燒毀滑縣南關追官兵勦殺桃源賊匪堵截滑

城臣并派令孟吧瞻分撥義民將接應內賊之桃

源及留固集八里營等處賊匪分枝勦捕連日斃  
賊八九百人生擒二百餘人現據嚴審分別辦理  
奪獲賊旗鎗矛甚多該義民共有三千餘人俱經  
臣 犒賞銀牌米麵猪羊等項面加獎勵查現在賊  
匪之外援既絕則孤城困守勢必尅日攻摧且夥  
黨陸續剪除將來搜捕餘匪更可不致多費兵力  
於軍務實屬有裨惟前項牛市屯義民在直豫兩  
省中尤爲奮勇出力卽曰大兵克復滑城原無藉  
此義民協助聲勢而其志切同仇節次殺賊不可  
不加之鼓勵伏查賞號惟求頂戴可以榮身臣又

不敢蹈軍營積習私自擅給理合專摺奏明仰懇  
聖主天恩俯准頒賞金頂數十個硃頂數十個以憑擇  
其出力最著者隨地隨時分別賞給記檔統俟事  
竣彙冊咨部查核原有頂戴之義民將來或可補  
用官職者仍當核實秉公保舉斷不敢稍有冒濫  
謹

奏

據河南試用知縣在牛市屯團練義勇之孟岷瞻稟  
報十月初二初六初八初十等日賊匪在葛村鳳  
亭樵邱康家莊大河村上官屯傅家集等處焚掠

經六品銜劉金常生員郭青山義勇孟大有等帶  
領鄉勇攻擊先後殺死賊匪五百餘名生擒楊連  
玉等六名奪獲器械無數義勇李文瑞之父李兆  
祿及申克勤都進國粟白玉被傷身死

又據孟岷瞻稟報十月十五十七等日賊匪千餘人  
糾合丁樂集賊匪在岳杜家莊許莊瓦屋寺等處  
焚掠經武生謝金標義勇秦百福等率眾攻擊先  
後殺賊匪八百餘名生擒二十九名奪獲器械無  
數義勇魏玉山胡廷生劉萬春魏道福胡錫魁胡  
道見謝金都等被傷身死

又據孟岷瞻稟報十月二十四二十七等日義勇內  
有福建原任都司何毓龍等跟隨官兵助剿八里  
營留固五里舖及滑縣南關等處賊匪先後殺賊  
二百餘名生擒曹三友等七名奪獲布旗器械無  
數

謹按嘉慶十八年十一月十一日廷寄內奉

上諭據那彥成等另摺奏滑縣義民剿賊奮勇請頒賞頂  
戴一節義勇幫同官兵殺賊數千名自應加之獎勵准  
其頒賞碑礮頂三十個金頂三十個那彥成擇其尤爲  
出力者賞給碑礮頂出力稍次者賞給金頂此項頂戴

亦毋庸自京發往卽由軍營就近發給分別記檔事竣  
造冊咨部毋得逾額冒濫

嘉慶十八年十一月初八日

奏本月初四日奉

上諭以官兵攻克道口健銳火器營官兵此次臨陣衝突  
其中自必有勇往出力者著據實查明保奏數人候朕  
施恩伏查攻道口之日所有派出健銳火器營官兵實  
屬勇往出力臣那彥成先經查明將護軍常勝保  
三音布吉格德里武常青等開單恭請

恩賞藍翎謹

奏

嘉慶十八年十一月三十日

硃

批是

奏爲查明隨征怠玩之備弁兵丁嚴行懲辦以肅戎行  
事據色爾滾德寧阿特依順保楊芳等同營面稟  
此次官兵於十九日在白土崗剿賊已經得手嗣  
賊匪佔據山梁向下力撲二次經鎮將等督率弁  
兵奮力仰攻詎河南官兵同西安滿營健銳營弁  
兵竟有不肯向前者經特依順保楊芳等將河南  
兵二名立用腰刀砍倒衆兵始皆畏懼一齊沖上  
山梁將賊匪追逐下山盡數剿戮查帶兵打仗全

在領兵之備弁旗手等督率前敵今查出河南盧氏營守備左傳文西安營驍騎校穆蘭健銳營前鋒校查當阿副前鋒校倭希布明福等五員帶兵實屬畏葸稟請查辦等情臣等查官兵勦賊正當接仗緊要之際乃該備弁並不率衆向前以致衆兵遷延不進若非特依順保楊芳等激勵將士鼓行而前幾被賊匪壓下山梁似此怠玩之備弁本應卽照軍法從事查官兵此仗大獲全勝次日卽勦滅全股賊匪並殲首逆雖係勝仗而畏葸者仍應從重懲辦臣等已將左傳文等拔去翎頂理合



據實奏請

旨將左傳文穆蘭查當阿倭希布明福等發往伊犁充當  
苦差仍在戍枷號一年以示薄懲其餘旗手兵丁  
等臣等已經分別懲辦仍嚴飭帶兵鎮將鼓勵官  
兵俾令共知畏懼以肅戎行謹

奏

嘉慶十八年十二月初三日奉

上諭那彥成等奏查明隨征怠玩之備弁兵丁嚴行懲辦  
一摺所辦甚是軍營賞罰嚴明方足以示勸懲此次官  
兵攻克司寨殲除首逆所有在事出力奮勉之將弁兵

丁均經立沛恩施俾知鼓勵乃白土崗進剿之時健銳營及河南西安弁兵中竟有一二退縮不前者經特依順保楊芳等立時砍斃二人率衆鼓勇直前始獲全勝前查出河南盧氏營守備左傳文西安營驍騎校穆蘭健銳營前鋒校查當阿副前鋒校倭希布明福俱臨陣畏葸本應卽按軍法從事但念此次全師告捷始從寬懲辦左傳文等五員俱著革職卽在軍營枷號示衆俟軍務全竣發往伊犁到戍再枷號三年後充當苦差永遠不准釋回俾羣知警畏以肅戎行

嘉慶十八年十一月二十二日

奏色爾滾德寧阿楊芳特依順保四員久歷戎行帶兵甚爲勇往此次勦滅大股賊匪兼斃首逆李文成等多名且能剪除直境大患實屬奮勇出力可否仰懇

皇上天恩

賞加陞銜以示獎勵其餘在事出力文武兵丁等另容查明奏懇

聖恩謹

奏奉

硃批卽有恩旨

謹接嘉慶十八年十一月二十五日廷寄內奉  
旨色爾滾德寧阿著加恩各賞加都統銜楊芳特依順保  
著加恩賞加提督銜卽先換一品頂戴該四員仍俱賞  
給雲騎尉世職其中有世職者准其再兼一雲騎尉

嘉慶十八年十一月三十日

奏吉林委叅領富林德隨軍攻破司寨後有賊匪七八  
十人逃入民房悉力抗拒富林德奪門撲進舉刀  
連砍二賊詎賊衆擁出致被鎗傷陣亡時富林德  
之弟甲兵伊常德見兄倒地奮不顧身直前殺賊  
同時中鎗陣亡可憫隨經伊弟領催哲明德伊姪甲兵

硃 傳 硃

殊

靈星德二人同衆兵將房屋圍住搬運柴草舉火  
焚燒始將賊衆七八十人一併燒斃臣查富林德  
伊常德以弟兄二人同時殺賊捐軀能知大義實  
爲可嘉其被害亦最慘烈哲明德靈星德旋將賊  
衆全行燒斃其義勇之氣更可嘉獎所有陣亡委  
叅領富林德甲兵伊常德應作何

賞卹業蒙

皇上恩施飭部查辦至領催哲明德甲兵靈星德臣已面  
加獎勵伊二人伏地流涕實堪憫惻臣已諭以奏

明請

旨賞給藍翎可否之處出自

聖主天恩謹

奏

嘉慶十八年十一月三十日

奏陝甘督標中軍副將張大振平日整頓營伍操練兵

丁極爲認真

臣

每於三六九日親赴箭道閱視另

有公事則皆該副將日日操演寒暑從無間斷是

以督標與固原提標官兵咸皆驍勇倍常此次調

赴軍營較別營猶爲奮勇出力竟成勁旅滿漢各

官無不人人稱道查張大振前在道口及滑縣節

次勦賊亦能奮勇而平日訓練有方俾五營咸成  
勁旅其四年之勞尤不可泯該副將係保舉堪勝  
總兵引

見奉

旨記名之員

臣

謹據實奏明俟有總兵缺出可否仰懇

皇上天恩簡放之處出自

聖裁謹

奏奉

旨記名

嘉慶十八年十一月三十日

奏爲查明出力之文武員弁兵丁遵

旨據實保奏仰懇

聖恩事竊查官兵剿滅大股竄匪殲斃首逆臣等欽奉

上諭飭令秉公查明官弁兵丁內應行獎勵者據實保奏

施恩仰見

聖主獎勵微勞論功行賞之至意伏查隨營文武員弁兵

丁節次奮勇出力臣等業已會同查明詳加確核

今擇其尤爲出力者據實保奏查吉林黑龍江各

官兵一戰滅賊實堪嘉獎欽奉

殊諭朕之子弟精兵也臣傳宣之下該兵丁等感激奮興



出於至誠是以將此二項官兵多保數員至綠營  
武職謹保遊擊三員都司二員守備四員其餘均  
係弁兵又隨帶差委文職各員均分別繕具清單  
恭呈

御覽仰懇

皇上天恩加以鼓勵謹

奏

嘉慶十八年十二月初三日奉

上諭那彥成等奏查明出力文武員弁兵丁據實保奏一  
摺前經官兵將分竄輝縣司寨大股賊匪全數勦滅並

將逆首李文成賊目劉幗明等殲斃當降旨交那彥成等詳查出力弁兵奏請鼓勵茲據查明保奏其滿營出力弁兵內營總和福巴圖魯舒爾哈善著加恩賞加副都統銜佐領永海賞給幹勇巴圖魯名號特里善賞給堅勇巴圖魯名號營總阿爾遜賞給奮勇巴圖魯名號委叅領巴圖魯賞給健勇巴圖魯名號德海賞給藝勇巴圖魯名號德林保賞給勁勇巴圖魯名號二等侍衛蘇倫保賞給迅勇巴圖魯名號叅領巴揚阿德清佐領安出拉額布臣驍騎校貴當阿富色訥領催永謙岱親保富里善俱著賞換花翎叅領柯仁阿巴爾精阿俱著

賞戴花翎營總巴圖魯富住著以協領補用副叅領諾  
木齊著賞給頭等侍衛委章京伊勒東阿達明善委叅  
領額勒謹花良阿驍騎校德陞額領催柯敏阿俱著以  
驍騎校陞用藍翎長朱勒格訥額勒登布藍翎領催伊  
林善慶德領催綽哈納伊靈阿富清阿領催委官英陞  
額甲兵額勒精額俱著賞給額外驍騎校三等侍衛金  
齊仙保著賞給二等侍衛藍翎侍衛吉爾章阿著賞給  
三等侍衛前鋒訥清阿綽鸞泰博爾洪武全祿烏爾滾  
布委章京倭仁保德仲委官興德常喜保和善錢德色  
普正額領催烏勒登額富倫壽佛爾洪阿札拉棗圖明

阿噶勒明阿西朗阿董保山清安布丹泰保富諸胡六  
十五三官保烏靈額伊克忠阿烏爾恭保卜算保倭德  
倭興額低勒罕保舒爾德訥古胡蒼玉祿委驍騎校長  
壽委領催阿寧阿馬甲和綳額烏爾滾保伍崇額清海  
伊成額色布青額福勒通保披甲伊勒賡保穆克登保  
鄂克敦保伊克精額甲兵噶興阿額勒謹穆騰額伊興  
德禪隆阿多拉岱額勒德慎穆騰策薩尼布記名驍騎  
校圖木魯營總武爾卿阿馬兵達沖阿護軍色卜星額  
前鋒校德會俱著賞戴藍翎其綠營出力弁兵內都司  
趙啟貴著賞給驍勇巴圖魯名號遊擊馬正元都司馬

鳴謙守備唐俸千總張作功王萬德饒成富俱著賞換  
花翎遊擊安惠著賞戴花翎守備郭鵬起千總李步月  
許福顏生貴把總米兆元褚天喜羅永忠張朝玉王貴  
蕭福祥馬呈堦外委馬士祿朱啟鯤郭玉蒙世恒張武  
唐占魁杜佐清馬騰蛟楊烈王一鳳武舉楊兆麟武生  
馬兵朱連陞額外外委廖再富王貴李國彥王萬慶閻  
登第馬兵馬廷俊萬代興單萬邦王寶元牛化麟李元  
魁林懷玉柴得元譚國輝馬魁張鳳鳴徐梅王殿卿白  
朋甘貴許正英俱著賞戴花翎遊擊熊敏謙守備杜縉  
童順千總魯福山陳貴馬連陞俱著以應陞之缺陞用

先換頂戴草職千總徐國禎李朝陽俱著開復原官其  
隨營差委出力之河南試只知縣曹貽澤著加知州銜  
候補未入流姚璵著以應陞之缺陞用甘肅武威縣知  
縣宋炳著以同知直隸州卽補先換頂戴陝西丁憂候  
補知縣徐潤俟服闋到陝補缺後著以同知直隸州補  
用先換頂戴甘肅丁憂西寧縣知縣李燿服闋後卽著  
留於河南以知縣卽補陝西候補州同王金華著以應  
陞之缺陞用甘肅隆德縣典史沈在光著以應陞之缺  
儘先陞用山東候補縣丞捐陞通判陳建著留於直隸  
儘先補用捐納縣丞沈玉墀著留於河南儘先補用直

隸多倫諾爾理事同知那清阿著免其降級處分仍留  
直隸補用直隸草職候補知縣畢裕曾著准其捐復原  
官陝西試用未入流郎發英著儘先補用該部知道單  
併發

嘉慶十八年十二月十五日

奏臣欽奉

上諭前此滑縣被陷聞有教官呂秉鈞降賊偽封爲吏部  
尙書仍兼知滑縣事爲賊鑄礮巡城抗拒王師如果屬  
實實堪髮指著那彥成查明覆奏克城之日留心查拏  
按律究辦欽此臣查初十日克城之後因將在城內逃

硃

出之生員魏兆麟魏秉辛戶民李秉承趙祁等當  
卽向其訊問據魏兆麟等僉供滑縣教諭係呂秉  
鈞九月初七日教匪鬧事擁入學署呂教諭當時

硃

懷印投井經門斗撈救未死胎膊跌折我等俱會  
親見隨後又有賊匪將呂教諭殺死棄屍牆外其  
妻及一媳兩女兩孫同親戚僕婦人等十七名口

硃

俱被賊害因教匪揚言誰去埋屍一併殺死等語

是以我等不敢掩埋呂教諭之子拔貢呂式淦因  
鄉試後回籍未通信息等情是教諭呂秉鈞當時  
並無從賊情事且能捐軀盡節一門被難猶堪憫



惻可否仰懇

皇上天恩飭部議卹以慰忠魂又據衛輝府稟查得滑縣  
教匪滋事先經老岸司巡檢劉斌風聞該匪約期  
起手卽帶印赴縣稟明知縣強克捷始將李文成  
拏獲刑訊收禁詎被賊衆入城劫獄知縣強克捷  
全家被害業經奏業

恩卹外其巡檢劉斌及典史陳寶勳把總戚明彰等現在

查明亦皆全家被害等情臣查該逆等本約九月

十五日起事嗣因巡檢劉斌聞信稟縣拏獲逆首  
李文成刑訊收禁賊夥始倉猝改期卽於初七日

疎

入城劫犯彼時濟縣等處得以聞信預備防堵無虞後李文成究因受刃傷腿不能騎馬遠颺旋被官兵殲斃是該巡檢之功不可泯且能捐軀盡節全家被害實爲可嘉其典史陳寶勳把總戚明彰二員亦俱全家被害均爲慘烈應請

疎

旨勅部分別給予卹典以勵臣節又該縣訓導起心戒於

疎

克城後自行投出訊據供稱年七十四歲柘城縣人十七年委署滑縣訓導本年九月教匪作亂時牛亮臣帶領多人到我署內搶掠逼我做滑縣知縣我不敢從隨被趕出藥舖居住賊夥十餘人輪

殊

流看守曾給過糧食數石我因受餓不過無奈收  
食並不敢得受僞封我已老邁何能代賊巡城鑄  
礮惟我既做教官貪生隱忍實屬糊塗該死只求  
治罪等供臣復查傳城內生監耆民逐加訊問趙  
心戒在城實無受賊封職之事惟身任訓導名節  
攸關遇變不能盡節且收受賊人糧食覲顏苟活  
實屬喪盡天良毫無廉恥應將趙心戒一犯擬斬  
立決訊明後其口是卽行正法仍查明家口緣坐再滑縣  
教諭印信現已搜獲

殊 殊

奏

嘉慶十八年十二月十六日奉

上諭據那彥成等奏滑縣教諭呂秉鈞等於滑縣被陷時均被賊匪將全家殺害等語教諭呂秉鈞勵節捐軀一門殉難深堪憫惻巡檢劉斌於逆首李文成未經起事之先訪聞稟縣迅就擒獲刑訊受傷旋被官兵戮斃厥功甚鉅且捐軀殉難全家被戕猶爲可嘉可憫呂秉鈞劉斌均著加恩照知縣例賜卹典史陳寶勳把總戚明彰亦全家被害均爲慘烈著加恩照原官給予卹典以勵臣節而慰忠魂該部知道

嘉慶十八年十二月二十四日

奏爲查明出力之員弁兵丁據實保奏仰懇

聖恩量加鼓勵事竊查官兵攻克滑城剿滅賊衆經臣等

奏奉

恩旨首先登城超衆出力之官兵等著查明保奏再降恩

旨等因

臣

伏查官兵自圍攻滑城以及克復之日無不

奮勇爭先踴躍用命緣臣等於克城後卽趕緊安

撫難民審訊獲賊及籌議善後事宜諸務紛紜一

時未暇查明官員勞績且論功行賞

鉅典攸關尤當秉公確查無濫無遺方可請

恩施而示鼓勵茲查明滿漢各營官兵擇其尤爲出力者

將首先登城及入城打仗殺賊同創掘地道者分  
為三項開具員名清單恭呈

御覽其初十一二三四等日拏獲賊首賊目者另容查  
明具奏此次合營官兵統計一萬五六千名為數  
既多且人人奮勇殺賊立功其勞實不可泯又隨  
營差委及承辦糧臺之文員等或辦理文檄晝夜  
勤勞或審訊賊犯多至五六千人分別良莠費盡  
推求或堵拏逸匪撫卹難民或運送前敵及大營  
軍火糧餉辦理木城礮臺地道濠溝鹿角並攻城  
器具等項均屬始終奮勉不辭勞瘁今擇其尤為

出力者先行開單保舉其餘仍再確查具奏仰懇  
皇上天恩加之鼓勵俾在營文武員弁兵丁等均得渥沐  
鴻慈同深感激謹

奏奉

硃批卽有恩旨

嘉慶十八年十二月二十四日

奏河南藩司台斐音駐劄衛輝督率屬員辦理軍火糧  
餉甚爲妥速不惟軍行無悞且於攻城一切器具  
晝夜督飭糧臺加緊製備得以尅期蒞事該司身  
係大員受

恩深重臣不敢保奏而其勞績亦不敢壅於上

聞又祥河同知方傳秩係方受疇之子因迴避改掣東河  
尚未前往適教匪滋事方受疇令其來營聽候差  
委以圖報効該員隨營以來差務奮勉經派委劄  
掘南門地道置放地雷該員督同兵夫連夜趨辦  
不避艱險實屬勞苦出力在方受疇世受

國恩分應勉力報効臣亦不敢因方傳秩係屬大員子弟  
泯其微勞查方傳秩係迴避實缺同知到東河卽  
應補缺可否量加鼓勵之處應候

聖裁謹



奏

容安謹按二員均蒙

恩獎交部議敘

嘉慶十八年十二月二十七日奉

上諭那彥成等奏查明出力員弁兵丁據實保奏一摺此  
次攻克滑城剿滅賊衆實屬辦理完善茲據那彥成等  
先將尤爲出力者查明開單奏請量加鼓勵著照所請  
加恩將首先登城之總兵馬元賞加提督銜副將張大  
振賞加強勇巴圖魯名號之擊周貴賞給迅勇巴圖魯  
名號叅將祁祥遊擊之齊慎以副將陞用先換頂戴遊擊

馬光宇萬彪呂天德馬騰龍守備黨得用千總王萬得  
段永福饒成富俱以應陞之缺陞用先換頂戴總兵音  
登額遊擊圖勒畢善俱賞戴花翎遊擊陳天壽都司馬  
起龍俱賞換花翎遊擊富克清阿廣瑞守備馬高傑雲  
騎尉趙世芳千總仇懷瑾丁順白玉把總姜得智張賢  
音大鵬武舉巫殿甲陳紹宗外委陶昇怡蘭唐如意賈  
得額外外委吳元誠文國安劉兆吉馬兵白俊陳貴劉  
奇李虎魏五李元許正武李正邦王大明俱賞戴藍翎  
吉林領催委防禦舒隆阿委驍騎校五十九俱以額外  
驍騎校陞用委官圖和保委驍騎校都凌阿俱賞戴花

翎委防禦色普清額領催安寧豐林保雙金保前鋒倭  
赫訥甲兵伊精德訥年保庚音布希楞額伊靈阿英善  
七十一金海巴清德俱賞戴藍翎委驍騎校富克錦甲  
兵阿里福烏爾公額俱以驍騎校陞用委防禦德成賞  
戴花翎驍騎校隆佳賞戴花翎索倫八品廕生車楞達  
什委官吉林保俱賞戴藍翎前鋒藍翎長達布星阿達  
爾奇領催敦保色爾善俱以驍騎校陞用委營總哲保  
以額外總管陞用藍翎委防禦額爾格木齊委叅領齊  
木多爾濟俱賞換花翎領催庫密特依以額外驍騎校  
陞用委防禦哈豐河賞戴花翎委驍騎校訥林保三音

齊克俱以額外驍騎校陞用委叅領愛仁保委防禦顯  
林薩領催德成額甲兵色必德爾巴伍倫佩俱賞戴  
藍翎委營總武爾清阿賞加副都統銜副總管委營總  
管富登阿准其開復降二級處分火器營護軍懷他布  
賞戴藍翎親軍藍翎長札玉善阿素拜唐阿倭什布俱  
以藍翎侍衛陞用護軍校烏爾棍泰以三等侍衛陞用  
前鋒校蘇拉布准陞一等健銳營章京希林保以三等  
侍衛陞用二等侍衛巴楞保以頭等侍衛陞用三等侍  
衛蘇清阿以二等侍衛陞用副前鋒校吉勒圖堪准陞  
一等西安防禦善宜賞戴花翎驍騎校忠靈賞戴藍翎

圖英阿以額外驍騎校陞用其劍掘地道安放地雷之  
叅將丁永安著以副將用先換頂戴遊擊楊印花都司  
唐燧俱賞換花翎都司吳亨佑余國柯守備劉允孝俱  
以應陞之缺陞用先換頂戴五品軍功袁鏞武舉馬俊  
千總蔣士榮把總楊光春楊生祿外委穆陞王青山額  
外外委張文玉兵丁安定邦張鳳鳴沈奎劉永福馬全  
尚文全張順馬奎樊起元周玉福許受李篤生左顯文  
謝奎俱賞戴藍翎其打仗殺賊之吉林委叅領德春札  
庫奇俱賞戴花翎委防禦<sup>山</sup>盛額委官格綳額委驍騎  
校立柱達親保三首保前鋒多凌阿甲兵福隆阿伊才

保福春伍靈阿德楞保德楞額富寧阿貴林俱賞戴藍翎索倫協領卓爾渾保賞加副都統銜佐領德色爾克依札隆武俱賞戴花翎貝渾保賞給堅勇巴圖魯名號甲兵西楞保布坤初薄雲圖前鋒巴勒呼勒岱甲兵格通阿烏爾滾索木策楞俱以額外驍騎校陞用驍騎校雅布延領催巴爾彊阿薩寧阿甲兵吐靈阿豐陞額富克精額色吐渾顯孫保靈寧滿倉珍占爾札普色文諾爾布達薩布百依胡善雅蒙阿古寧阿薩立善布希明阿俱賞戴藍翎火器營護軍校吉格以委叅領陞用藍翎長雙壽吉爾明阿以護軍校陞用藍翎長薩明阿以

額外護軍校陞用藍翎長達從阿以藍翎侍衛陞用委  
叅領色爾古善以副叅領陞用健銳營叅領花山保賞  
給果勇巴圖魯名號前鋒巴圖隆阿賞戴藍翎藍翎長  
特克什哈以額外前鋒校陞用前鋒叅領金保賞加副  
都統銜前鋒校廣德以委叅領陞用委叅領托克托布  
賞給二等侍衛協領穆蘭岱賞給勁勇巴圖魯名號協  
領瑚松額賞戴花翎佐領德楞防禦海祿俱賞換花翎  
防禦白起克圖驍騎校訥恩德布領催雙福前鋒校克  
伸布德亮俱賞戴藍翎叅將薛陞札勒杭阿俱以副將  
陞用先換頂戴遊擊許紹公守備聞元干總馮士魁王

兆林萬清海俱以應陞之缺陞用先換頂戴副將舒凌  
阿賞戴花翎都司陳錦守備彭永吉俱賞換花翎遊擊  
法克精阿守備張光奇向立功興文泰千總馬世傑李  
永寧任貴邦馬奉三恩騎尉馬忠候補把總金占鰲把  
總時錦章劉沛榮解廷芳武舉董占文武振邦外委陳  
奉魁周才馬忠良達俊高殿甲楊萬春崔祥額外外委  
張啟林職文壽軍功監生張大鵬馬兵陳起譚尙德李  
洪陞袁貴汪吉受周明李懷堂韓永祿張元純楊福魁  
顧忠甘長春俱賞戴藍翎降調之佐領委叅領奇成草  
職之都司何毓龍雲騎尉候補守備海雲俱准開復原



官其隨營之文職各員或辦理文檄審訊賊犯或堵擊  
逸匪撫卹難民或運送軍火糧餉等項均各始終奮勉  
不辭勞瘁亦著照所請河南候補道范準准其儘先補  
用知府盛泰賞加道銜卽錦麒賞戴花翎候補知府周  
光緒賞戴藍翎工部員外郎克興額准其留於直隸以  
知府用工部員外郎玉綬賞戴藍翎同知劉寶第賞加  
知府銜候補知州吳扶會陸有恒准其儘先補用知縣  
璧昌孟岷瞻俱賞戴藍翎儘先陞用之知縣王楚堂以  
同知直隸州陞用先換頂戴候補知縣沈春煦准其儘  
先補用縣丞張尙棟以知縣陞用縣丞楊廷陞以知縣

儘先陞用布政使照磨唐晉錫以應陞之缺儘先陞用  
投効縣丞李增壽歸部卽選候補縣丞葉峻岫准其儘  
先補用投効縣丞楊紹源准其留於河南儘先補用候  
補吏目方傳秉准其儘先補用候選從九品張忻歸部  
卽選革職直隸州張學程知縣張丹桂典史沈榮俱准  
其捐復原官其革職兵部郎中丁樹本請賞給六品頂  
戴之處未免過優著以兵部七品小京官用該部知道  
摺單併發

嘉慶十八年十二月二十四日

奏爲奏明請

旨事竊照軍營所出員缺應擇其打仗出力者儘先拔補  
茲查火器營空花翎霍隆武陞任藍翎侍衛遺缺  
請以前鋒校德祥補授所遺之缺請以藍翎長穆  
特布補授所遺之缺請以烏鎗護軍泥音桂補授  
又副護軍叅領諾木齊陞任頭等侍衛遺缺請以  
委章京托克托武補授所遺之缺請以前鋒校福  
倫布補授所遺之缺請以副前鋒校倭仁布補授  
所遺之缺請以火器營烏鎗隊長德爾色楞補授  
又前鋒校察當阿革退遺缺請以副前鋒校烏隆  
阿補授所遺之缺請以火器營隊長福忠阿補授

又副前鋒校窩什布草退遺缺請以筆帖式色勒  
補授所遺之缺請以前鋒他清阿補授又副前鋒  
校明福草退遺缺請以筆帖式阿隆阿補授所遺  
之缺請以火器營烏鎗護軍保明補授又護軍營  
前鋒校岳王保陣亡遺缺請以烏鎗藍翎長蒙古  
巴圖補授所遺之缺請以蘇素勒通阿補授又西  
安滿營驍騎校穆蘭草退遺缺請以領催伍忠阿  
補授又防禦色克通額陞任佐領遺缺請以驍騎  
校鳳靈補授所遺之缺請以前鋒校扎克丹補授  
又吉林驍騎校富林德陣亡遺缺請以巴圖魯領

催德林保補授以上各員均係打仗出力之人合  
無仰懇

皇上天恩俯准分別陞補以示鼓勵謹

奏

嘉慶十八年十二月二十七日奉

上諭那彥成奏軍營打仗出力滿員分別陞補一摺加恩  
著照所請火器營空花翎霍隆武陞任藍翎侍衛遺缺  
著德祥補授所遺前鋒校員缺著穆特布補授所遺藍  
翎長員缺著泥音住補授又副護軍叅領諾木齊陞任  
頭等侍衛遺缺著托克托武補授所遺委章京員缺著

福倫布補授所遺前鋒校員缺著倭仁布補授所遺副  
前鋒校員缺著德爾色楞補授又前鋒校察當阿革退  
遺缺著烏隆阿補授所遺副前鋒校員缺著福忠阿補  
授又副前鋒校倭什布革退遺缺著色勒補授所遺筆  
帖式員缺著他清阿補授又副前鋒校明福革退遺缺  
著阿隆阿補授所遺筆帖式員缺著保明補授又前鋒  
護軍校岳王保陣亡遺缺著蒙古巴圖補授所遺烏鎗  
營之藍翎長員缺著蘇素勒通阿補授又西安滿營驍  
騎校穆蘭革退遺缺著伍忠阿補授又防禦色克通阿  
陞任佐領遺缺著鳳靈補授所遺驍騎校員缺著札克

丹補授又吉林驍騎校富林德陣亡遺缺著德林保補授該部知道摺單併發

嘉慶十八年十二月二十四日

奏爲軍營打仗出力人員仰懇

聖恩分別陞補各缺以示鼓勵事竊照軍營遇有員缺自應擇其隨營打仗奮勇出力之員儘先拔補茲查甘肅寧夏鎮屬廣武營遊擊吳得友病故遺缺查有陝西漢中鎮標左營遊擊方一彪堪以調補所遺員缺查有固原提屬涇州營都司李章堪以陞補所遺員缺查有候補都司胡超堪以補授又甘

肅肅州鎮屬赤金營都司劉國琳推陞遺缺查有  
甘肅提標後營守備周悅勝堪以陞補所遺員缺  
查有陝甘督標後營千總徐士麟堪以陞補又甘  
肅提屬硤口營都司紀祥傷亡遺缺查有固原提  
屬八營守備馬天錫堪以陞補所遺員缺查有陝  
西潼關協營千總朱效先堪以陞補又陝西河州  
鎮屬岷州營都司徐鎮陞任遺缺查有甘肅提屬  
南古城營守備溫永泰堪以陞補所遺員缺查有  
肅州鎮屬沙州營千總王元堪以陞補又陝西河  
州鎮屬文縣營都司顧應全陞任遺缺查有固原



提屬慶陽營守備鍾虎翀堪以陞補所遺員缺查  
有甘肅寧夏鎮標左營守備馬輔相堪以調補所  
遺員缺查有固原提屬利橋營千總單煙堪以陞  
補又陝西延綏鎮屬柏林堡守備胡文秀陞任遺  
缺查有甘肅西寧鎮標右營千總席殿魁堪以陞  
補又陝西略陽營守備吳亨佑陞任遺缺查有固  
原提屬西鳳營乾州汛千總魯福山堪以陞補又  
陝西河州鎮標右營守備馬鳴謙陞任遺缺查有  
固原城守營千總孔登元堪以陞補又陝西陝安  
鎮屬鎮安營守備孫榮陞任遺缺查有漢中鎮屬

寧陝營千總劉泰堪以陞補又甘肅涼州鎮屬紅  
水堡守備馬金魁陞補遺缺查有寧夏鎮標前營  
千總楊德貴堪以陞補又河南盧氏營守備左傳  
文叅革遺缺查有河南撫標左營千總趙六韜堪  
以陞補以上各員均係節次打仗在前敵殺賊多  
名實屬奮勇出力合無仰懇

皇上天恩俯准分別陞補並請先行

賞換頂戴以示鼓勵謹

奏

嘉慶十八年十二月二十七日奉

上諭那彥成奏綠營各缺請將打仗出力人員分別陞補  
一摺加恩著照所請甘肅廣寧營遊擊員缺著方一彪  
調補陝西漢中鎮標左營遊擊員缺著李章陞補涇州  
營都司員缺著胡超補授赤金營都司員缺著周悅勝  
陞補甘肅提標後營守備員缺著徐士麟陞補硤口營  
都司員缺著馬天錫陞補固原提屬八營守備員缺著  
朱效先陞補陝西岷州營都司員缺著溫永泰陞補南  
古城營守備員缺著王元陞補陝西文縣營都司員缺  
著鍾虎翀陞補慶陽營守備員缺著馬輔相調補甘肅  
寧夏鎮標左營守備員缺著單煙陞補陝西柏林堡守

備員缺著席殿魁陞補陝西略陽營守備員缺著魯福  
山陞補陝西河州鎮標右營守備員缺著孔登元陞補  
陝西鎮安營守備員缺著劉泰陞補甘肅紅水堡守備  
員缺著楊德貴陞補河南盧氏營守備員缺著趙六韜  
陞補所有此次陞補各員均著加恩先換頂戴該部知  
道摺併發

嘉慶十八年十二月二十九日

奏爲查明隨營文武員弁奮勇出力之人恭摺奏懇  
聖恩量加鼓勵事竊臣於攻克滑城後遵

旨將首先登城及入城打仗殺賊並刨挖地道置放地雷

之員弁兵丁等分單保奏聲明拏獲賊首賊目者  
另行查奏在案茲查明滿漢官兵拏獲賊匪頭目  
等各員名又隨營文職各員承辦軍營緊要差務  
超衆出力各員謹據實保舉分別繕具清單恭呈  
御覽仰懇

皇上天恩加之鼓勵俾大小文武官兵等咸得普被

恩施感激

皇仁實無涯量此外守城團勇等容臣確查另行具奏以  
期賞必酬勞斷不敢稍有冒濫謹

奏

嘉慶十八年十二月二十九日

奏軍功六品銜劉金常生員孟大炘隨同遊擊馬光字  
知縣孟岷瞻等團練義勇屢次打仗殺賊甚爲奮  
勇劉金常應請以府經縣丞歸部選用孟大炘請  
以從九未入歸部選用謹附片

奏懇

聖恩謹

奏

嘉慶十九年正月初四日奉

上諭那彥成奏查明滿漢官兵拏獲賊首賊目並隨營文

職承辦軍營差務超衆出力各員據實保舉一摺加恩  
著照所請吉林委叅領舒精阿索倫藍翎委叅領達善  
委叅領札坦保領催委驍騎校和成額俱賞戴花翎吉  
林甲兵占泰清明富金泰貴林索倫領催札立善富爾  
清阿托爾岱諾木桑山巴什坦保鄂班多依色音保甲  
兵勒爾吉善雅爾西納前鋒萬盛保福保布特海哈哈  
穆克登俱賞戴藍翎西安佐領達靈阿著賞換花翎吉  
林領催委防禦伍隆阿委驍騎校七克坦惠金保前鋒  
善西保豐盛阿甲兵德勝額德冲阿索倫前鋒德陞阿  
西安領催格成俱以驍騎校陞用火器營藍翎長札拉

芬著以護軍校陞用固原中營把總李廷棟西安鎮左營把總張福榮固原右營額外外委薛居福左營馬兵苟成金何永清前營馬兵馬雙西安鎮中營馬兵李朝貴寧陝營馬兵劉廷清西安鎮標兵丁陳斌王彥龍黃金模俱賞戴藍翎河南光州直隸州知州何光熊著以知府陞用同知直隸州陞用甘肅武威縣知縣宋炳著賞戴花翎同知直隸州陞用陝西候補知縣徐潤河南候補知縣李燿俱賞戴藍翎河南候補知縣白士棟候補吏目王家勳俱儘先補用揀選知縣金世福著留於直隸補用投効山東試用府經歷梁衍緒從九品張璧



候選從九品沈光波俱留於河南補用河南淮寧縣縣丞溫維祺著以知縣陞用工部書吏蘇興成著免其扣滿五年歸部選用投効草職知縣葛拱宸著准其捐復其另片所奏團勇殺賊之軍功六品銜劉金常准其以府經歷縣丞歸部選用生員孟大炘准其以從九品未入流歸部選用該部知道摺單併發

嘉慶十九年正月初五日

奏爲各路出力義勇仰懇

聖恩賞給頂戴以示鼓勵事竊查欽奉

上諭此次直隸豫東三省被賊滋擾各州縣其城村鄉鎮

多有紳士耆民團練義勇捐給錢文自衛里閭而賊眾被勦奔竄之時因所至有備不致肆行裹脅於官軍亦不爲無助士民等深曉大義志切同仇實堪嘉尚著直隸山東河南各督撫查明近賊各府州縣團練防護處所將倡首之紳士耆民據實保奏分別賞給職銜其出資出力之居民商賈人等該督撫自行查辦或給予匾額或量加賞資以示褒獎欽此仰見

皇上鼓勵義民

恩施普被至意除倡首之紳士耆民另容查明據實保奏外至臣前奏滑縣知縣孟屺瞻團練義勇殺賊出

力仰蒙

恩賞碑磔頂三十個金頂三十個經隨時賞給在案另候查明報部查核茲該義勇等連次隨軍攻城之日始終奮勇並有事故及帶傷多名除彙案咨部議卹外所有前項頂戴現在不敷分賞且此外各州縣義勇於白衛村莊之外多有打仗殺賊奮勇出力者節據各路文武稟報仰體我

皇上一視同仁之意酌賞頂戴俾令榮身卽臣不日巡查直隸山東邊境一帶亦當擇義勇中之尤爲出力者量加賞給以獎微勞合無仰懇

聖恩准再賞碑碣頂五十個金頂一百個俾得分別賞給

庶各省士民益可勵其急公向義之志感激

鴻慈實無涯涘如蒙

恩允所給頂戴統容彙冊咨部倘尙有多餘仍當照數繳還斷不敢稍有昌濫再滑縣義勇內查有生員郭青山李榮春崔清魁韓宗元等四名又民人焦興邦王成棟韓國彥郭有成等四名皆係首先團練殺賊立功惟<sub>臣</sub>查看其人究竟武健性成且於各義勇呼應太靈若留於原籍將來恐致桀驁難馴而旣已助官出力又不能不加以鼓勵<sub>臣</sub>前與楊

遇春酌擬請將生員郭青山李榮春二名發往甘肅崔清魁韓宗元二名發往陝西均以從九未入流試用其民人焦興邦王成棟韓國彥郭有成等四名請各

賞給藍翎仍令前往楊遇春營中補給千把外委隨營當差亦可以資約束謹

奏

嘉慶十九年正月初九日軍機大臣字寄奉

上諭那彥成奏各路出力義勇懇請賞給頂戴以示鼓勵等語此次豫省及直隸山東邊境一帶賊匪滋擾各路

義勇隨同官兵打仗殺賊奮勇出力者人數衆多著加  
恩再賞碑礫頂五十個金頂一百個那彥成擇其尤爲  
出力者分別賞給毋稍冒濫其另片奏生員郭青山民  
人焦興邦等首先團練殺賊立功亦當加以鼓勵惟武  
健難馴未便留於原籍請分發試用隨營當差等語著  
照所請生員郭青山李榮春以從九品未入流發往甘  
肅試用崔清魁韓宗元以從九品未入流發往陝西試  
用其民人焦興邦王成棟韓國彥郭有成俱賞戴藍翎  
令其前往楊遇春營中効力以千把外委酌量補用俾  
資約束

嘉慶十九年正月初十日

奏爲請補武職各缺仰懇

聖恩事竊照軍營遇有員缺例得將隨營出力之員量加  
拔補茲查甘肅寧夏鎮屬花馬池營參將陳弼病  
休遺缺查有甘肅肅州鎮屬靖逆營遊擊熊敏謙  
堪以陞補所遺遊擊一缺查有直隸天津鎮標城  
守營都司竇德堪以陞補所遺都司一缺查有陝  
西會寧營守備郭鵬起堪以陞補所遺守備一缺  
查有甘肅寧夏鎮標右營千總張作友堪以陞補  
以上各員節次殺賊實屬奮勇出力合無仰懇

聖主天恩俯准分別陞補先換頂戴以示鼓勵謹

奏奉

旨照所請行該部知道

嘉慶十九年正月初十日

奏為現在隨營例應引

見之武職各員仰懇

聖恩俯准就近給咨以示體卹事竊照此次隨營出力武

職各員經臣奏蒙

恩旨分別陞補各缺自應照例由各本省督撫給咨送部

引



見惟查陝甘各員距京較遠若由陝甘總督給咨往返有  
需時日該員等現在隨同臣尚須週歷直隸山東  
邊境一帶巡查彈壓合無仰懇

皇上天恩俯准俟事竣之日卽由

臣

就近咨送兵部引

見俾該員等不致往返需時感激

鴻慈實無涯量查前項應行引

見者共十六員又溫承惠奏准隨營者五員謹一併開具  
員名清單恭呈

御覽此外尚有應行引

見各員緣現在已派赴陝西南山交與長齡等差遣不日

事竣仍由長齡給咨送部並咨兵部謹

奏奉

硃批兵部知道

嘉慶十九年正月十六日

奏爲行抵直隸查明各地方官紳士等守護城池及承辦後路軍需轉運糧餉尤爲出力各員恭摺保

奏仰懇

聖恩量加鼓勵事竊查上年九月賊匪滋事直省設立局務派委大小官員辦理後路軍需旋經大兵雲集賊匪肅清其開州軍營管理隨營糧臺出力各員

業經托津分別保奏仰蒙

皇上逾格

鴻慈

恩施獎勵茲臣帶兵來直周歷開州東明長垣查勘從前  
被擾情形該三州縣地方均經賊匪往來奔竄焚  
掠村莊而東長兩縣屢被攻撲城池各地方官於  
事起倉猝之際竭力守護並本處紳士捐貲僱募  
壯勇協同捍衛得保無虞均屬踴躍急公未便沒  
其勞績而總局經理後路軍火糧餉各員出入賊  
中冒險轉運俱能迅速趕辦毫無貽誤茲已全師

凱撤軍務告竣各該員等始終奮勉亦應量予甄敘現據總理局務之司道等開單呈送臣逐加詳核大加刪減以期無濫謹擇其尤爲出力官員紳士伏祈

皇上施恩謹

奏

嘉慶十九年正月二十日奉

上諭那彥成奏請獎勵直隸開州東明長垣等處守城團勇超衆出力文武各員及捐貲濟公之紳士一摺直隸六品銜東明縣知縣朱煒著以應陞之缺儘先陞用署

長垣縣事試用通判周克家著以本班儘先補用長垣  
縣典史劉世治著以縣丞陞用杜勝營都司陳夢熊東  
明汎把總梁得貴著賞戴藍翎趙州營守備劉經著換  
戴花翎原任守備陳萬邦著開復原官候選直隸州知  
州李鐸捐職布政司經歷沈宏亮捐職布政司理問賴  
夔龍候選訓導李棠捐職從九品張融有俱著發往各  
省試用其在軍需局及催運糧餉超衆出力之原任遵  
化直隸州知州李景梅著准其留於直隸以原官補用  
蠡縣知縣俞英世著以同知陞用先換頂戴長蘆試用  
鹽大使徐張煥著以本班儘先補用儘先補用縣丞顧

霖著免補本班以知縣陞用草職直隸試用知府趙對  
輝草職原任獻縣知縣馮鈺降調原任建昌縣知縣那  
斯渾降調原任正定縣候補縣丞歐聲振俱著准其就  
近捐復原官留於直隸補用

那文毅公總統河南山東直隸軍務奏議卷三十四